



জাতীয় সংসদ নির্বাচনে ভোটার সংখ্যা ১২ কোটি ৭৬ লাখ: ইসি



সংগৃহীত ছবি

আগামী ত্রয়োদশ জাতীয় সংসদ নির্বাচনে ভোটার তালিকায় নাম উঠেছে ১২ কোটি ৭৬ লাখ ৯৫ হাজার ১৮৩ জনের। এর আগে খসড়া তালিকা অনুযায়ী সংখ্যা ছিল ১২ কোটি ৭৬ লাখ ১২ হাজার ৩৮৪। মঙ্গলবার (১৮ নভেম্বর) নির্বাচন ভবনে নিজ কার্যালয়ে সাংবাদিকদের সামনে এই চূড়ান্ত তথ্য জানান ইসির সিনিয়র সচিব আখতার আহমেদ।

তিনি আরও জানান, ৩১ অক্টোবর পর্যন্ত যেসব নাগরিকের বয়স ১৮ পূর্ণ হয়েছে, তাদের ভোটার হিসেবে অন্তর্ভুক্ত করা হয়েছে। চূড়ান্ত তালিকায় পুরুষ ভোটার ৬ কোটি ৪৮ লাখ ১৪ হাজার ৯০৭ জন এবং নারী ভোটার ৬ কোটি ২৮ লাখ ৭৯ হাজার ৪২ জন। তৃতীয় লিঙ্গের ভোটার হিসেবে নিবন্ধিত রয়েছেন ১ হাজার ২৩৪ জন। পুরুষ ভোটারের সংখ্যা আগের তুলনায় ২.২৯% বৃদ্ধি পেয়েছে, আর মহিলা ভোটার বেড়েছে ৪.১৬%।

এছাড়া, ইসি সচিব জানিয়েছেন, জাতীয় নাগরিক পার্টি (এনসিপি) ও মার্কসবাদী সমাজতান্ত্রিক দলকে নিবন্ধনের অনুমোদন দেওয়া হয়েছে। অন্যদিকে, ৭টি দলের নিবন্ধন বিষয়টি পুনর্বিবেচনা করা হচ্ছে এবং আমজনগণ দলের বিষয়ে পর্যালোচনার পর চূড়ান্ত সিদ্ধান্ত নেবে কমিশন।